



UNIVERSITÄTS-
BIBLIOTHEK
PADERBORN

Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

XIII. Erectio Episcopatus de Pekim Machaon Diœc.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

quoties illa quibusvis modis, ex quorumcumque personis etiam apud Sedem eandem vacare contigerit, Episcopo de Nankim pro tempore existenti prædicto infra terminum a Jure præscriptum similiter per eum ad præsentationem prædicti Petri Regis, & pro tempore existentium Portugallia, & Algarbiorum Regum in ipsis dignitatibus, Canonicatibus, & Præbendis, ac Beneficiis instituendis, etiam eadem auctoritate pariter reservamus, & concedimus.

Clausula
Tituli d. jus-
patronatus.

§. 6. Decernentes Juspatronatus, & præsentandi hujusmodi Petro, & pro tempore existentibus Regibus prædictis ex meritis foundationibus, & dotationibus competere illique etiam per Sedem eandem etiam consistorialiter, quacumque ratione derogari non posse, nec derogatum censeri, nisi ipsius Petri, & pro tempore existentium Regum prædictorum ad id expressus accedat assensus; & si aliter quovis modo derogetur, derogationes hujusmodi cum inde secutis, nullius roboris, efficaciam, & momenti fore.

§. 7. Sicque per quoscumque Judices etiam Commissarios quavis auctoritate fungentes, etiam S. R. E. Cardinales, etiam de Latere Legatos, Vice-Legatos, Sedisque prædictæ Nuncios, etiam Causarum Palatii Apostolici Auditores, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiti debere; irritum quoque, & inane quidquid fecus super his a quoquam quavis auctoritate scienter, vel ignoranter contigerit attentari.

§. 8. Non obstantibus Lateranen. Concilii novissime celebrati ab Ecclesiis membra distinguendi, & dividi prohibentis, ac Regula nostra de non tollendo Jure quæsito, & unionibus committendis, ac valore exprimendo quatenus opus sit, aliisque Constitutionibus, & Ordinationibus Apostolicis. Quibus omnibus, & singulis etiam si de illis, eorumque totis tenoribus specialis, specifica, expressa, & individua, non autem per Clausulas generales idem importantes mentio, seu quavis alia expressio habenda, aut aliqua alia exquisita forma ad hoc servanda foret, illis alias in suo robore permanens, hac vice dumtaxat harum ferie specialiter, & expresse derogamus, cæterisque contrariis quibuscumque.

§. 9. Nulli ergo omnino hominum liceat hanc paginam nostræ segregationis, divisionis, separationis, dismembrationis, exemptionis, liberationis, decorationis, erectionis, institutionis, concessionis, assignationis, subjectionis, applicationis, appropriationis, reservationis, Decreti, & derogationis infringere, vel ei ausu temerario contraire: Si quis autem hoc attentare præsumperit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Mariam Majorem Anno Incarnationis Dominicæ millesimo sexcentesimo nonagesimo, Quarto Idus Aprilis, Pontificatus nostri Anno Primo.

XIII.

Erigitur Oppidum de Pekim Machaonen. Dioc. in Civitatem, ejusque Ecclesia in Cathedrallem, & Regi Portugallia juspatronatus, & præsentandi conceditur.

Similem erectionem habes Constitutione præcedenti. Et dismembrationem quarundam Provinciarum in eodem Regno Sinarum. Innoc. XII. Constit. ed. 1694. Maji, P. 3. Inn. XII. Constit. ed. 1696. Octob. 15. P. 6.

ALEXANDER EPISCOPUS,

Servus Servorum Dei. Ad perpetuam rei memoriam.

Romani Pontificis Pastoralis sollicitudo in supremo Apostolicæ potestatis folio ex omnipotentis Dei providentia constituta ad ea potissimum dirigitur, per quæ Salvatoris nostri Jesu Christi æterni Patris Unigeniti fides, & gloria in dies magis magisque augetur, & multiplicatur, qui ubi messem multam esse comperit, operariorum penuriam attendens, & ministrorum suorum curas variis diei horis ad opera mittere non desistit; cum & ipse, ut homines salutaris vitæ, & Cælestis Patriæ cultores efficeret, de summis Cælorum ad hujus mundi infima, & in Sacrosanctæ Crucis Ara pro nostra salute in pretium immolari dignatus sit, cujus cum licet immeriti vices geramus in terris inter multiplices curas, quæ ex Apostolico munere Nobis incumbere dignoscimus, illa præsertim cordi nostro est, ut multiplicata messe, & Agri Domini cultores multiplicentur, quorum assiduis operibus, & fructuosis ministeriis fructus spiritualis ad centesimum usque augetur, & Populus Christianus eisdem Rectioribus gubernetur, quos pater æternus sui operis ministros esse disposuit. Propterea piissimi Patris familias partes favorabiliter implere curamus.

§. 1. Sane cum charissimus in Christo filius noster Petrus Portugallia, & Algarbiorum Rex Illustris pio præponderans affectu, quod in toto vastissimo Imperio Sinarum, in quo infinitæ prope modum Gentes ad cognitionem veri luminis & Sanctæ Matris Ecclesiæ gremium accesserunt, unica tantum Ecclesia Cathedralis Machaonen, quæ de Jure patronatus dicti Regis ex fundatione, vel dotatione, seu privilegio Apostolico, cui non est hæcenus in aliquo derogatum fore dignoscitur, reperitur, cujus Episcopus ob locorum distantiam singulorum vultus inspicere, aliasque partes boni Pastoris in Universum exercere nequiret, attendens, quod in eodem Imperio etiam reperirentur inter cætera unum Oppidum de Pekim nuncupatum Incolarum multitudine, præsertim Christianifidelium, ac militum, ac magistratum numero copiose refertum, & ad quod ex omni parte Regni Sinarum pars maxima, & fere totius Imperii divitiæ confluant, & merces undequaque advehunt, & in dicto Oppido una Ecclesia Beatæ Virginis dicata, aliis inibi existentibus, major, & principalis, cui Missionarii ejusdem Lusitani Regis inserviunt, & in qua missæ, & alia Divina Officia celebrantur, & Ecclesiastica Sacramenta administrantur jam pridem erecta, & fundata existeret cum Sacratio ad Divinum cultum sufficienter instructo; Proptereaque dictum Oppidum de Pekim a Diocesi Machaonen. dismembrari, & in Civitatem, dictamque Ecclesiam Beatæ Virginis in Cathedrallem erigi, & in ea Catholicum Antistitem, & Pastorem proprium institui, qui illos adhuc debiles in ipsa fide confirmare, & majora Seminaria plantare, Dominicique ovilis septa ædificare, cæteraque Pontificalia omnia in illis partibus exercere possit, & debeat omnino expediret, devotionis suæ zelo ductus, populis in illis partibus degentibus consilulere plurimum exoptasset, ac nobis super hoc per ejus literas humiliter supplicasset.

§. 2. Idcirco nos matura super his cum nonnullis Venerabilibus Fratribus nostris S. R. E. Cardinalibus Congregationis particularis de Propaganda Fide super rebus Indiarum Orientalium specialiter deputatæ, cui negotium dismembrationis, & erectionis hujusmodi discentium a Nobis remissum fuerat, habita deliberatione Oppidum prædictum de Pekim Episcopali, & Ci-

Dat. 10. Apr.
1690. An. 1.

Procurium.

Cause d.
Erectionis.Preces Regis
Portugallia.

Dismembra-
tio d. Oppidi
a Dioecesi
Machaonen.

Ejus Erectio
in Civitatem,
& Ecclesiam
B. M. V. in
Cathedra-
lem.

Institutio
Episcopatus
ad instar alio-
rum cum
subjectione
Archiepisc.
Goan.

Termini
Dioecesis d.
Episcopatus.

vili titulo dignum judicantes, piis d. Petri Regis votis libenter annuentes de Venerabilium Fratrum nostrorum ejusdem S. R. E. Cardinalium consilio, & assensu, deque Apostolica potestate plenitudine Oppidum de Pekim prædictum ab Ordinaria Jurisdictione Episcopi Machaonen. Apostolica auctoritate tenore præsentium perpetuo segregamus, dividimus, separamus, & dismembramus, illudque, ac ejus Clerum, & Populum quo ad legem Dioecesanam ab Episcopi Machaonen. superioritate, Jurisdictione, potestate, subjectione, vilitatione, & correctione prorsus eximimus, & liberamus, ac Oppidum de Pekim prædictum Civitatis, illiusque Incolas civium nomine, & titulo, ac honore decoramus, illudque in Civitatem, quæ de Pekim denominetur, & in eo dictam Ecclesiam Beatæ Virginis dicatam in Cathedralis Ecclesiam sub invocatione ejusdem Beatæ Virginis pro uno Episcopo de Pekim nuncupando, qui illi præsit, ac Ecclesiam ipsam ad formam Cathedralis Ecclesiæ redigi faciat, necnon in ea, & dictæ Civitatis, ac ejusdem Ecclesiæ Dioc. tot dignitates, Canonicatus, & præbendas, aliæque Beneficia Ecclesiastica cum cura, & sine cura, quod inibi divino cultui, & dictæ Ecclesiæ servitio, ac Ecclesiastici Clerici decori sibi videbuntur convenire de prædicti Petri, & pro tempore existentis Portugalliæ, & Algarbiorum Regis consilio, & assensu, ac prævia eorum congrua dotatione quamprimum fieri poterit erigat, & instituat.

§. 3. Necnon Episcopalem Jurisdictionem, auctoritatem, & potestatem exercere, omniaque, & singula, quæ Ordinis, quæque Jurisdictionis, & cujuslibet alterius muneris Episcopalis sunt, & quæ aliis tam in Portugalliæ, & Algarbiorum Regnis, & Dominiis, quam alicubi que constituti Episcopi in suis Ecclesiis, Civitatibus, & Dioecibus de Jure, vel consuetudine, vel alias quomodolibet ex privilegiis, gratiis, & Indultis, & dispensationibus Apostolicis quæcumque fuerint, etiam per literas Apostolicas eis desuper nominatim, & in specie concessas, auctoritate, & facultate suffulti facere, & quibus uri solent, & possunt pariformiter, æque principaliter, & absque ulla prorsus differentia perinde, ac si sibi quoque nominatim, & in specie concessa, & expressa fuissent, etiam si talia sint, quæ specialem notitiam, & mentionem requirant, & sub generali concessione non veniant, in sua Dioecesi de Pekim facere, gerere, & exercere libere, & licite possit, & pro tempore existentis Archiepiscopo Goan. Jure Metropolitanico, prout ante separationem, & dismembrationem hujusmodi existebat, subsit cum sede, & mensa, aliisque insigniis Episcopalibus, necnon præminentibus, & honoribus, privilegiis, immunitatibus, & gratiis spiritualibus, & temporalibus, personalibus, realibus, & mixtis, quibus cæteræ Cathedrales Ecclesiæ Regnorum, & Dominiorum prædictorum similiter de Jure, vel consuetudine, aut speciali privilegio, seu Indulto Apostolico, vel alias quomodolibet utuntur, potiuntur, & gaudent, ac uti, potiri, & gaudere poterunt quomodolibet in futurum de similibus consilio, & potestatis plenitudine, Apostolica auctoritate prædicta earumdem tenore præsentium perpetuo erigimus, & instituiamus.

§. 4. Ac eidem sic erectæ Ecclesiæ Oppidum de Pekim sic in Civitatem erectum pro Civitate, & alia Oppida, Castra, Villas, Territoria, & districtus dictæ Dioecesis Machaonen., juxta divisionem per eundem Regem, vel per Machaonen., ac de Pekim, & de Nankim similiter in Civitatem erigendam Episcopos de ejusdem Regis commissione inter se faciendam pro Dioecesi, necnon Ecclesias pro Clero, & sæculares Personas in Civitate, & Dioecesi hujusmodi pro tempore degentes pro Populo de consilio, potestate, & au-

thoritate similibus, etiam perpetuo concedimus, & assignamus; Civitatemque, Clerum, & Populum hujusmodi Episcopo de Pekim quoad Episcopalem, & Archiepiscopalem Goan. pro tempore existentem, quoad Metropolitanicam, Ordinariam Jurisdictionem, & superioritatem de dictorum fratrum consilio, & potestatis plenitudine paribus, etiam perpetuo subjicimus.

§. 5. Necnon mensa Episcopali de Pekim hujusmodi pro ejus Dote, & redditus annuos quingentorum Cruciatorum monetæ Portugalliæ quadringentos Ducatos auri de Camera constituentium per ipsum Petrum Regem assignandos, quam quidem summam idem Petrus Rex de suis, & pro tempore existentium Portugalliæ, & Algarbiorum Regum hujusmodi bonis gratiose, & irrevocabiliter ad hunc effectum donavit, & obtulit, & solvere quotannis promisit, seu promittit ex tunc prout ex ea die, & ex nunc postquam assignati fuerint, ut præfertur similiter perpetuo applicamus, & appropriamus.

§. 6. Et insuper Petro Regi, & pro tempore existentibus Portugalliæ, & Algarbiorum Regibus prædictis Juspatronatus, & præsentandi ad dictam Ecclesiam de Pekim videlicet Nobis, & pro tempore existentem Rom. Pontifici infra annum ob locorum distantiam tam hac prima vice, quam quoties illa deinceps quovis modo, etiam apud Sedem Apost. vacare contigerit, per nos, & pro tempore existentem Romanum Pontificem hujusmodi in ejusdem Ecclesiæ de Pekim Episcopum, & Pastorem ad præsentationem hujusmodi, & non alias præficien. Ad majorem vero post Pontificalem, ac principales, & alias Dignitates, ac Canonicatus, & Præbendas, necnon Beneficia erigenda, cum de Petri Regis, & pro tempore existentium Regum hujusmodi pariter bonis dotata fuerint, tam ab eorum primæva erectione, quam ex tunc deinceps quoties illa quibusvis modis, & ex quorumcumque personis, etiam apud Sedem eandem vacare contigerit, Episcopo de Pekim pro tempore existentem prædicto infra triennium a jure præfixum similiter per eum ad præsentationem Petri Regis, & pro tempore existentium Portugalliæ, & Algarbiorum Regum in ipsis dignitatibus, Canonicatibus, & Præbendis, ac Beneficiis instituendis, eadem auctoritate pariter perpetuo reservamus, & concedimus.

§. 7. Decernentes Juspatronatus, & præsentandi hujusmodi Petro, & pro tempore existentibus Regibus prædictis, ex meris foundationibus, & dotationibus competere, illique etiam consistorialiter quacumque ratione derogari non posse, nec derogatum censeri, nisi ipsius Petri, & pro tempore existentium Regum prædictorum ad id expressus accedat assensus, & si aliter quovis modo derogeretur, derogationes hujusmodi cum inde secutis, nullius roboris, efficaciz, & momenti fore.

§. 8. Sicque per quoscumque Judices, etiam Commissarios quavis auctoritate fungentes, etiam S. R. E. Cardinales, etiam de Latere Legatos, Vice-Legatos, Sedisque prædictæ Nuncios, etiam causarum Palatii Apostolici Auditores, sublata eis, & eorum cuilibet quavis aliter judicandi, & interpretandi facultate, & auctoritate, judicari, & definiri debere; irritum quoque, & inane quidquid secus super his a quoquam quavis auctoritate scienter, vel ignoranter contigerit attentari.

§. 9. Non obstantibus Lateranen. Concilii novissime celebrati ab Ecclesiis membra distingui, & dividi prohibentis, ac Regula nostra de non tollendo Jure quæsito, & unionibus committendis, ac valore exprimendo quatenus opus sit, aliisque Constitutionibus, & Ordinationibus Apostolicis. Quibus omnibus, & singulis, etiam si de illis, eorumque totis tenoribus specialis, specifica, expressa, & individua, non autem per clausulas generales idem importantes mentio, seu

Mensæ Dos.

Regibus Portugalliæ servatur juspatr. & præsentandi ad Episcopatum, alias dignitates, & beneficia.

Clausulæ, Tituli juspatronatus.

quavis

quævis alia expressio habenda, aut aliqua alia exquisita forma ad hoc servanda foret, illis alias in suo robore permaneris, hac vice dumtaxat specialiter, & expresse harum serie derogamus, contrariis quibuscumque.

§. 10. Nulli ergo omnino hominum liceat hanc paginam nostræ segregationis, divisionis, separationis, dismembrationis, exemptionis, liberationis, decorationis, erectionis, institutionis, concessionis, assignationis, subjectionis, applicationis, approbationis, reservationis, decreti, & derogationis infringere, vel ei ausu temerario contraire. Si quis autem hoc attentare præsumpserit, indignationem Omnipotentis Dei, ac Beatorum Petri, & Pauli Apostolorum ejus se noverit incursum.

Datum Romæ apud S. Mariam Majorem Anno Incarnationis Dominicæ millesimo sexcentesimo nonagesimo, Quarto Idus Aprilis, Pontificatus nostri Anno Primo.

XIV.

Extenditur in perpetuum Indulgentia Stationum Urbis ab Innocentio XI. Confraternitatibus Beatæ Mariæ de Mercede Redemption. Captiv. ad decennium concessa.

Alia Indulgentia harum Confraternitatum extant Inn. XI. Const. ed. 1678. Decem. 25. P. 3. Et Clement. XI. Const. ed. 1703. Jun. 23. P. 3.

ALEXANDER PAPA VIII.

Ad perpetuam rei memoriam.

Alias per fel. rec. Innocentium PP. XI. prædecessorem nostrum accepto, quod nonnulli Romani Pontifices prædecessores nostri tunc sui Confraternitatibus, seu Congregationibus Ordinis Fratrum B. Mariæ Virginis de Mercede Redemptionis Captivorum, seu alicui ex Dominicis Regularibus ejusdem Ordinis aggregatis, illarumque Confratribus, & Confratribus Christianis sub duro Barbarorum jugo languentium libertati sedulo incumbentibus quamplures Indulgentias, & peccatorum remissiones, ac penitentiarum relaxationes, non tamen infrascriptas misericorditer in Domino concesserant: Idem Innocentius prædecessor eisdem Confratres, & Consores ad pietatis, & Christianæ charitatis erga illos, qui dura immanium Christiani nominis hostium servitute opprimuntur, exercenda opera uberiorum, eisque hæcenus non concessarum spiritualium gratiarum largitione incitare cupiens, de Omnipotentis Dei misericordia, & Beatorum Petri, & Pauli Apostolorum ejus auctoritate confusus, supplicationibus quoque dilecti filii Bartholomæi de Ribero Ordinis præfati Vicarii, & Procuratoris Generalis sibi super hoc humiliter porrectis inclinatus, omnibus, & singulis dictarum Confraternitatum canonicè eo usque erectarum, & in futurum erigendarum personis utriusque sexus, quæ aliquam ex Ecclesiis dicti Ordinis, aut suarum respectivè Confraternitatum Ecclesias, seu Oratoria in diebus Stationum Ecclesiarum Almæ Urbis nostræ tunc suæ, prout in Missali Romano exprimuntur devote visitassent, & ibidem pro Christianorum Principum concordia, hæresum extirpatione, & Sanctæ Mariæ Ecclesiæ exaltatione, necnon Captivorum præfatorum liberatione, eorumque perpetua perseverantia in Christianæ Religionis, Catholiceque Fidei professione pias ad Deum preces effudissent, ut omnes, & singulas Indulgentias, & peccatorum remissiones, ac penitentiarum relaxationes consequerentur, quas consecuta fuissent, si easdem Ecclesias Urbis ad id deputatas in diebus Stationum hujusmodi personaliter, & devote visitassent concessit, & indulgit, & alias

prout in ejusdem Innocentii prædecessoris desuper in simili forma Brevis die 12. Februarii 1688. expeditis literis, quas ad decennium tantum valere voluit, & quarum tenores præsentibus pro plene, & sufficienter expresso, ac de verbo ad verbum inserto haberi volumus plenius continetur. Nunc autem nos ad peramplius augendam eorumdem Confratrum, & Confratorum religionem, & animarum salutem Cælestibus Ecclesiæ Theauris pia charitate intenti, ac aliquod paternæ nostræ erga Ordinem præfatum, cuius nos, dum Cardinalatus honore fungebamur, Protectores Apostolica auctoritate deputati eramus, benevolentiam monumentum extare cupientes, supplicationibus ejusdem Bartholomæi Vicarii, & Procuratoris Generalis nomine nobis super hoc humiliter porrectis inclinati, concessionem Indulgentiarum, & peccatorum remissionem, ac penitentiarum relaxationem Confratribus, & Confratribus supradictis præmissa peragentibus, a memorato Innocentio prædecessore ad decennium factam, ut præfertur in perpetuum, servata ceteroqui earundem Innocentii prædecessoris literarum forma, & dispositione, auctoritate Apostolica tenore præsentium extendimus, & ampliamus.

§. 1. Non obstantibus præmissis, necnon omnibus, & singulis illis, quæ idem Innocentius prædecessor in suis literis supradictis voluit non obstare, cæterisque contrariis quibuscumque. Præsentibus perpetuis futuris temporibus validis.

§. 2. Volumus autem, ut ipsarum præsentium literarum transumptis, seu exemplis, etiam impressis manu alicujus Notarii publici subscriptis, & sigillo personæ in Ecclesiastica dignitate constitutæ munitis eadem prorsus fides in judicio, & extra illud ubique locorum habeatur, quæ ipsis præsentibus haberetur, si forent exhibitæ, vel ostensæ.

Datum Romæ apud S. Mariam Majorem sub Annulo Piscator. die XV. Aprilis MDCXC., Pontificatus Nostri Anno Primo.

Communicantur Privilegia, & Indulgentiæ cæterorum Regularium Ordini B. M. de Mercede Redemp. Captiv.

Aliud privilegium vid. Clem. X. Const. ed. 1675, Jul. 19. Pont. 6. Indulgentias vero Clem. X. Constit. ed. 1673. Decem. 29. Pont. 4. & Clem. XI. Constit. ed. 1717. Aug. 4. Pont. 17.

ALEXANDER PAPA VIII.

Ad perpetuam rei memoriam.

Inscribibili aternæ Sapientiæ arcano Speculatorum Domus Israel, nullo licet meritum nostrorum suffragio, constituti, Religiosos ordines in Ecclesia Dei pie, sancteque plantatos, ac uberes bonorum operum fructus proferre jugiter satagentes, favoribus, & gratis, quibus possumus, amplissimis libenter prosequimur, prout rerum, & temporum qualitatibus debite pensatis, conspicimus in Domino salubriter expedita.

§. 1. Cum itaque sicut dilectus filius Bartholomæus de Ribero Vicarius, & Procurator Generalis Ordinis Fratrum B. Mariæ de Mercede Redemptionis Captivorum Nobis nuper exponi fecit, Fratres, & Religiosi ejusdem Ordinis in Captivorum Redemptione, gravissima quæque discrimina, & pericula ad id subeunda, indefesse occupantur, & ut tam pium opus eo alacrius continent, ac utilius exequantur, plurimum cupiant aliarum Religionum, & Ordinum gratias, & privilegia hæcenus a Sede Apostolica

Causæ Extensionis.

Preces Procuratoris Gen.

Extensio præfate Indulg.

Clausula.

XV.

Dat. 28. Julii 1690. An. 1.

Exordium.

Causa d. Communicationis.

Dat. 15. Apr. 1690. An. 1.

Inter plures Indulgentias ab Innoc. XI. concessas extat d. Stationum.